

Ciet Seiq Nyied Seiq Mbanjcuengh Maxdaeuz:

Baijyienj Fungcingz Loegyied Mbaenj Demsou

马头镇四月四壮族析丰节尽展骆越古风魅力

□ Vangz Sauvuj ingj Siobhyungz boiz



▲ Diegdangz vunz comz lai, yawj gwnz daiz yienjheia.



▲ Sam vunz beij bengcag, gak boux gag okrenz.



▲ Geizguk doxdax ndei, gwnz deih veh guengh dwk.



▲ Dwk lwgyangq doxdax, daihgya hix raen lai.



▲ Fungsug ma ranzmeh, lumjleq vunz angq riu.

► Lungz fan hwnj gienj roengz, soengq fuk doh dieg Cuengh.



▲ Caeq naz caiq caeq six, mbaenj bibi fungsou.



▲ Caensim bae caeqbaiq, niemhngex daihgeq raeuz.



▲ Luengq vwnzva Loegyied, yied yawj yied yungzdaeuz.



▲ Beij bau cieq aendomq, vunz ndomqyawj lailai.

5 nyied 2 hauh ngoenz liggaueq ndwenseiq coseiq, aenciet "seiq nyied seiq" Bouxcuengh mbaenj fungsou nem youzyawj vwnzva fungsug Loegyied youq Vujmingz Yen Maxdaeuz Cin Loegyied Vwnzva Gvangjczangz banh ndaej hoenghhwd. Bouxdaeuz mbanj danhvei、bouxlauxhangz、bouxguhseng' eiq nem bouxhek caeueq gyoengq vunzlai dangdieg Maxdaeuz doxcomz dwk angqyangz gvaq ngoenzciet.

Ciuq bouxlauxhangz cazyawj Maxdaeuz Cin Boyenzlungz、diegmoh ciuhgeq Andaengjyangh caeueq gij mohgamj henzgyawj le nyinhdingh, Maxdaeuz dwg gyangsim aenguek ciuhgeq Loegyied, dwg giz fathwnj vwnzva Loegyied, gizneix lij riuz miz haujlai fungcingz minzcuuz caeueq gojriuz ndawbiengz gaeuqgeq daeg-bied gagmiz de. Gingsanh Cunh dieg youq gyangsim gueklaux Loegyied, miz aenmih daihvuengz cunghfuj Loegyied、dieggoek riuzcienz Meh-lungz、hawfen Loegyied, diegce mohgamj Gamjgandauh caeueq

aennyenz Loegyied doenghgiy celouz neix, hawj vunz cungj siengj bae damgra gij rizgeq de. "Seiq nyied seiq" ciet mbaenj fungsou daj ciuhgeq couh miz, ngoenzde dangdieg gak aen mbanj cungj guh yizsi caeqbaiq saenzbuz, mbaenj saenzcoj roengzfwon、baujyouh haeuxnaz fungsou. Gingsanh Cunh daj ciuhgeq daeuj moix bi yaek ndaemnaz gaxgonq cungj bwh ndei haeuxnaengj、laeujhaeuxcid, cingj goengsae daeuj caeq saenz gouz fwn, comz ngaenz cingj heiqduenz daeuj yienjheiq comz dwk caj fwn, gij hozdung eu fwen、roeg doxdax daengj caemh menhmenh hwng riuz daengz seizneix.

Ngoenzciet, hozdung miz lai

cungj lai yiengh, vunzmbanj caeqbaiq daihvuengz cunghfuj Loegyied、ram Mehlungz cunz mbanj caeq naz caeq six、caeq naz mbaenj fungsou yizsi、hawfen fungcingz Loegyied hozdung、vwnzyi biujyienj caeueq foux lungz foux saeciej nauhyied raixcaix; eu fwen doiq fwen、dwc lwgyangq、dwc domq、sam vunz bengcag、aemq raemx dingj faexmbaenq、Bouxcuengh ma ranzmeh、aeu aengonh gonh raemx doxdax、dwc geizsam、dwc geizguk、gaebbya doxdax daengj hanghmoeg fungsug ndawbiengz mizyinx raixcaix, hawj vunz simhumz nywngnywg doxcanj bae camgya, sing hemq gyayouz caeueq sing riu sing bek fwngz haprwenz ndaw luegbya.

